

Nakon pregovora između pregovaračkih timova Vlade Unsko-sanskog kantona i Samostalnog sindikata osnovnog obrazovanja i odgoja Federacije Bosne i Hercegovine – Kantonalni odbor Unsko-sanskog kantona, održanim dana 25.02.2016. godine,

1. Vlada Unsko-sanskog kantona, s jedne strane (prva strana u Sporazumu, u daljem tekstu: Vlada kantona), u svojstvu predstavnika poslodavca i
2. Samostalni sindikat osnovnog obrazovanja i odgoja Federacije Bosne i Hercegovine – Kantonalni odbor Unsko-sanskog kantona, s druge strane (druga strana u Sporazumu), zaključili su:

SPORAZUM

I

U cilju postizanja međusobnog dogovora strana u ovom Sporazumu, ispunjavanja postavljenih legitimnih ciljeva i zahtjeva Samostalnog sindikata osnovnog obrazovanja i odgoja Federacije Bosne i Hercegovine – Kantonalni odbor Unsko-sanskog kantona i prekida aktivnosti oko generalnog štrajka najavljenog Odlukom broj: 01-HZ-20/16 od 30.01.2016. godine, strane potpisnice ovog Sporazuma saglasne su:

1. da se naknada za prevoz na posao i sa posla za period januar-april 2015. godine isplati do kraja marta 2016. godine
2. da osnovica za obračun plaće za period januar –mart 2016. godine ostaje na istom nivou kao u 2015. godini
3. da naknada za ishranu u toku rada (topli obrok) za period januar –mart 2016. godine iznosi 8,00 KM
4. da se plata za mjesec januar 2016. godine isplati u mjesecu martu (u ustaljenim terminima), naknada za ishranu u toku rada (topli obrok) za mjesec januar 2016. godine isplati do kraja marta i da se isplata nastavi tako što će isplata plaće biti praćena isplatom toplog obroka za taj mjesec
5. da se naknada za regres za 2015. godinu isplati do 31.07.2016. godine
6. da se naknada za prevoz na posao i sa posla za period maj-juni 2015. godine isplati do 30.06.2016. godine i za period juli-august do 31.07.2016
7. da se u narednim razgovorima definiše dinamika isplate naknada za teške bolesti i invalidnosti, naknada za slučaj smrti i otpremnine za odlazak u penziju za period 01.07.-31.12.2015. godine.
8. izjednačavanje porodijskih naknada za sve koji primaju platu iz Budžeta USK
9. obračun minulog rada pomoćnog osoblja uskladiti sa zakonskim rješenjima
10. pravilnik o napredovanju u djelatnosti obrazovanja donijeti do 30.06.2016.godine
11. u narednom periodu otvoriti razgovore o statusu dječijih vrtića

II

Vlada Kantona i Samostalni sindikat osnovnog obrazovanja i odgoja Federacije Bosne i Hercegovine – Kantonalni odbor Unsko-sanskog kantona se obavezuju da će intenzivno nastaviti razgovore, s tim da će se razgovori po pitanju izmjena i dopuna Kolektivnog ugovora za djelatnost osnovnog obrazovanja i odgoja u Federaciji Bosne i Hercegovine voditi na nivou Federacije Bosne i Hercegovine, kada se za to stvore uslovi.

III

Danom potpisivanja ovog Sporazuma, Samostalni sindikat osnovnog obrazovanja i odgoja Federacije Bosne i Hercegovine – Kantonalni odbor Unsko-sanskog kantona se obavezuje da će Odluku o organizovanju i održavanju štrajka upozorenja radnika u ustanova osnovnog obrazovanja i odgoja, broj: 01-HZ-04/16 od 15.01.2016. godine staviti van snage.

Samostalni sindikat osnovnog obrazovanja i odgoja Federacije Bosne i Hercegovine – Kantonalni odbor Unsko-sanskog kantona se obavezuje da stavi van snage Odluku o organizovanju Generalnog štrajka radnika u ustanovama osnovnog obrazovanja i odgoja, broj: 01-HZ-20/16 od 30.01.2016. godine, po ispunjenju podtačke 1. i 4. tačke I ovog Sporazuma u dijelu obaveza do 31.03.2016. godine.

IV

Vlada Unsko-sanskog kantona se obavezuje da će o svim eventualnim izmjenama finansijske i druge prirode iz ovog Sporazuma, odmah obavijestiti Samostalni sindikat osnovnog obrazovanja i odgoja Federacije Bosne i Hercegovine – Kantonalni odbor Unsko-sanskog kantona, s ciljem pronalaska novog rješenja.

V

Ovaj Sporazum sačinjen je u tri (3) istovjetna primjerka od kojih svaka strana zadržava po jedan primjerak i stupa na snagu danom potpisivanja od strane ovlaštenih strana u Sporazumu, a objavit će se u „Službenom glasniku Unsko-sanskog kantona“.

VLADA UNSKO-SANSKOG KANTONA

PREMIJER KANTONA

Mjesto: Izdacić Saračević

Broj: 01-HZ-3003 /2016

Bihac, 20.02. /2016

SAMOSTALNI SINDIKAT OSNOVNOG OBRAZOVANJA I ODGOJA F BiH
– KANTONALNI ODBOR UNSKO-SANSKOG KANTONA
PREDSJEDNICA KOSSOJKO

Hadžić
Zehra Hadžić

Broj: 01-HZ-42/2016

Bihac, 20.02. /2016